

亞細亞問題研究會叢刊之三

亞洲民族大會之經過

林耕餘筆述



目錄

- 一 弁言
- 二 準備赴會
- 三 途中
- 四 領事館之談話會
- 五 預備會之舌戰
- 六 第一日之大會
- 七 第二日之大會
- 八 第三日之大會
- 九 祕密會議之大略
- 十 閉會後之第一日

上海圖書館藏書



A541 212 0001 1631B



~~000000~~

十一 閉會後之第二日

十二 歸國航海中之我

十三 贅言

二



## 弁言

本年八月一日亞細亞民族大會在日本長崎開會三日余代表亞細亞問題研究會參加雖不敢以完成重要使命自期而會議結果亦尙未必無裨于我國乃者老友黃君攻素出示全亞細亞聯盟第一次大會會議經過之筆述並促余追記顛末付之梓人余忝居聯盟理事之列誠不可無述除黃君所述及在各報已經發表者不重贅外就迴憶所及拉雜書之其亦不無將來中日國民外交參攷之資歟

## 準備赴會

本年五月中在上海與今里準太郎面晤後便具東渡之決心然對于日人之誠意終抱懷疑至六月初旬偶與同志謝君英伯提及此事謝君有所論列言

顧中肯繼卽二人同往訪日本醫士頓宮寬博士此君乃一大亞細亞主義者亦余之一稔友也據頓宮君云此次大會之發起召集渠始終未嘗參加故于內容不甚了了因與今里準太郎有一面之雅故聞其目的係爲謀人類之自由平等期世界之永久和平而議案關於政治者多又云後藤新平及政友會之團中亦在出席之列余等聞言頗不謂然卽曰若此恐其結果未必美滿何則蓋因亞洲民族中受壓迫者非止一國况乎東方各民族間相互尙有不平等條約及事實之存在如中日之二十一條日本對於朝鮮及臺灣之殖民政策在在皆屬障礙之物所以余等主張若誠心誠意爲謀人類之解放者須先排除此等障礙團結內部由發揮東方文化解決民生問題爲起點以次及政治經濟其收效必速頓宮君甚然余等之說且曰余當以書函探詢今里俟得回信當再函約面談余等興辭而歸

自七月上旬北京方面代表出發後上海輿論乃注意及此大會每日函電交

馳反對之聲四起而余等則緘口不言至七月二十三日余與方君孝寬忽接林君可彝由東京來函云及受今里之託請余等火速起程赴會船票可打對折並託轉達謝君英伯一齊出發等語其時方君孝寬病痢未能行余持函往訪謝君英伯述其始末而先余在座者則有劉君華瑞此君係研究密宗對於東方固有文化甚爲重視亦正與謝君談赴會事自此同志又多一人矣既而又接頓宮君函約面敘乃與謝劉二君同訪于福民醫院頓宮君一見面卽曰東京有電報來託余代催各位起程船票可折半計余當爲介紹日本郵船公司謝君乃向渠索介紹函由余代表往日本郵船公司接洽余至公司卽與主任面晤告以來意渠云尙未接到日本本店此等通知俟電詢本店明日乞來接洽翌日余又往據云本店回電云若在十人以上者可打七折四人者（因謝英伯夫人亦同行）礙難從命請卽原諒等語余卽購船票四張回到謝君處報告一切後各人分途準備出發行裝矣二十五日因家慈小恙擬欲展行

期忽謝君使人以函至云因臨時發生重要問題明日不能出發有事待商卽請駕臨等語余卽隨到謝君處始悉謝君有不能赴會之苦衷余亦告以欲延期之故于是決定謝君與其夫人不赴會而余亦決定緩至三十一日出發由謝君轉商劉君少俟而劉君爲搜羅密宗真傳之心甚切二十五日竟一人就道至念九日方君孝寬來訪謂痢疾已愈或者三十一日可以一同東渡余極意勸行方君意決分途各自準備行裝三十日下午余往訪頓宮君告以明日出發並詢渠之意見及觀察渠云如後藤新平之腦筋比較新鮮因其時常觀覽羣書故也若田中則不然腦筋甚舊乃極頑固之軍閥不明中國現在之民氣及大勢希君（指余）多與交換意見進而教之等語時患者踵接而至余乃興辭而歸

三十一日早八時登日本郵船上海丸九時離岸送行者有呂君海潮等知友十數人及舍弟維欽同船赴會者方君孝寬與余外尚有方君懋霖及吉井清春平見精市二日人船中談笑頗不寂寞十一時頃忽由茶房傳語謂凡三等艙之中國船客須一律至下層有水上警察要查問余等因三十日已購不到一二等艙位所購者係屬三等當然在受查問之列余與方君孝寬返艙則方君懋霖正與日警以英語相互對答日警所問者係姓名年齡籍貫往日之日的到日後欲宿何處有無護照或證明書而方君雖皆一一答之然因該日警對於英語一途則非所長時現窘狀余見其可憐可笑乃以日語謂之曰余等三人因亞細亞民族大會明日在長崎開會而赴會者渠聞之頓改容笑而言曰好極好極如此請三位回艙午餐後余（日警自稱）當前來拜訪另有請教飯後照約投片來訪觀其銜係警察部外事警察課巡查部長姓岡島名永三郎寒暄後即授余一紙囑余照先時向方君懋霖之答案一一記入並言二位



方先生之分亦請余代記免生誤會余卽一一如囑草而付之既而又言有輟告上司之必要先生此行之抱負及在大會席上有無提案可否拜聞余卽答之曰自巴爾幹戰事以後遠東問題爲之一變此次亞細亞民族大會之召集實屬必要凡屬東方民族總應參加但以余所知聞貴國方面之提案皆側重政治經濟方面而于東方民族之團結不甚重視實爲可惜故余主張須先團結內部所有東方民族間一切階級必先廢棄爲表示誠意合作計如中日間之二十一條及其他等等不平等條約須廢棄作爲參加之先決問題倘貴國人士未能諒解者只有退出不參加雖尙對于東方文化上有二三之提案現尙談不到恕不面告渠卽曰以取消不平等條約爲先決問題中國方面可能一致否聞上海方面亦反對甚烈先生以爲如何余卽答之曰可以一致上海方面所反對者歸納在無誠意三字若貴國人士有遠大之眼光表示一種有誠意之合作其反對之聲自然消滅余轉問之曰貴國當局之態度如何對于

朝鮮及臺灣之參加又如何渠曰在內務省（即內務部）未見有何干涉而外務省（即外交部）方面似有不甚贊成之概吾輩小吏其他未有所聞言訖道謝辭退翌日（八月一日）早晨余起床盥漱後正在甲板上呼吸空氣與岡島永三郎君相值邀赴一等客休息室茶點告余曰早飯後入港時照例檢疫並無繁雜場晤面珍手續不過由船醫略視一遍請勿介意下午或能再在會重而別區區一警吏其外交手腕如此思之實可畏也九時船抵碼頭來迎者有劉君華瑞蔡君曉白學生會代表王世楷沈德宋樹人三君及日人二三十人王沈宋三君先上船問余之態度即余告之曰以取消不平等條約爲參加之先決問題並主張勿論如何中國代表必須一致王沈宋三君聞言甚滿意則曰如此們表示歡迎請先生下船並出余友宮崎民藏君之名片謂此片係此人托旅館招待持來歡迎先生其本人須下午方能由熊本趕到也下船時爲影片公司攝影者包圍約五分鍾繼乃得與歡迎諸日人周旋後即與王副

領事沈王宋三代表劉蔡二方四君步行至領事館

## 領事館之談話會

王副領事名萬年號紹賢籍泉州與余同縣因其尊人經商澳門遂寄籍焉爲人誠懇而應接敏捷對於亞細亞民族大會之召集頗注意凡關於亞會之言論及一切報紙雜誌之記載彙集成冊余得之爲參攷獲益匪淺而學生會諸代表亦極力爲相當之援助至可感謝

余等既抵長崎乃假領事館之會客室先開談話會以決出席大會之方針列席者有學生會三代表及劉蔡二方四君合集余共八人先由劉蔡二君相繼報告先到長崎與各方接洽及與北京代表交換意見之經過而學生代表則主張全體不參加不出席因日人無誠意之表示故也余以爲日人之召集此會號稱亞細亞民族大會若我國不參加則名不副實予以國際上之信用將



大打擊決非日人所堪故我人欲利用此點以求勝利須有一種堅決之表示日人雖狡亦莫奈我何因說明對於日本提案之意見而學生代表某君忽生誤會嗣經同人詳細解釋討論無論如何中國代表必須一致屢打電話邀請北京代表等來館洽商因電話不通乃一同出館赴北京代表寓處時北京代表黃攻素王世鼐林可彝蔡障川石磊五君皆在經一度詳細之協議乃決定提出取消中日間一切不平等條約爲先決問題如不通過則全體退席採一致步趨經同人簽名表示無異議而後一同出海田飯店赴會時已下午二點半鐘矣

### 預備會之舌戰

至青年會已三時即在樓上事務室先開預備會議到會者有中國日本印度菲律賓朝鮮各代表全體不下三十餘人而如後藤新平政友會之田中及日本所謂大政星者均未光臨同人依照協議所定提出取消中日間一切不平

等條約案爲先決問題由臨時主席今里氏宣示在場各代表徵求意見斯時日本代表則元森永峯三代議士相繼駁難其理由大概謂對於中國代表提案之宗旨可表同情但凡事須有一定之步驟此事最好在聯盟成立後從長討論較有把握余卽起而駁之曰宗旨既純正終必取消吾人之所以如此要求者不過爲表示中日合作一種之誠意而已不然對於此項不平等之條約中國亦有自動宣告無効之一日希爲慎重考慮繼余而發言者有王世勳劉華瑞方孝寬方懋霖四君皆余代爲通譯而蔡曉白君則由沈德君爲翻譯方在議論百出彼此駁難時忽有聞曾充段合肥顧問之日人大谷猛者大聲叱曰何謂平等何謂不平等譬喻以成年者食量使未成年者食之其能消化乎反之又以未成年者之食量使成年者食之其能飽足乎連呼豈有此理大有我國官僚之臭味余不服起立駁之曰君言差矣如君所言未免有侮辱吾人之意不幸而貴國人士全體皆如君之見解者吾人惟有表示最後態度之一

遂其人語塞既而日本代表田中守平君（此君爲神靈學者自創一說有專著設教傳道自爲其首嘗云中山先生在日本運動革命時渠正求學于東京時常請益于中山先生甚佩服中山先生革命精神又尊重中山先生人格之高尙先年中山先生在京得病時由友人宮崎民藏君之電請曾在中山七日爲中山先生祈禱病愈）起立而言大致表示同情于中國要求日本方面之諒解而則元森永峯等三代議士則表示云倘若諸君一定要求取消不平等條約爲先決問題者渠等惟有辭退代表退居傍聽之席繼則元等表示態度者另有日本學者佐伯好郎氏其詞意大略相同同人觀此情形態度愈堅決照預定方針進行一致宣言退席離出會場嗣經印度波斯及日人田中守平吉井清春諸氏調停勸令則元氏等四人退出會場又在取消不平等條約原案上略加文字之修正徵得同人同意後始由臨時主席今里氏宣讀遂一致通過翌日則元氏即在報上發表退出大會之宣言大意與在會場所說略同

又大會議長本決定則元氏代議士充任因渠已退席復又臨時推選先由日本推印度又由印度推中國而余從中慫恿乃決定黃攻素君爲議長于是暫告休息

### 第一日之大會

四時半開大會於樓下講演廳會場氣象嚴整西傍旁聽席左爲警察席右爲新聞記者席英美新聞記者到會記錄者十餘人中間講台前約五六十座爲會員及來賓席後面及月樓全部作爲一般普通旁聽席總計到會者數百人全場四隅燃光攝影旋輟旋起皆足表現日本及各國鄭重注意之態度先由今里氏宣佈開會宗旨繼宣稱推薦議長乃黃攻素君忽臨時變計發言推薦今里氏爲議長印度代表波斯氏表示同意今里氏並不推辭侃然就議長之席宣佈開會辭繼推林可彛君報告經過林君素精日語乃亦臨時強余爲之翻譯滔滔數千言歷二刻餘鐘之久而黃攻素君由沈德君譯翻及印度菲

律賓代表各有演說是日大會通過全亞細亞聯盟暫定規約九條並宣佈取消中日間一切不平等條約案全場歡呼散會余乃與劉蔡二方四君同歸旅寓綠屋旅館因余等上岸即與學生會代表各方輪流接洽旋無暇顧及行李乃託日人平見精市君代爲料理一切旅館乃由平見君代定者而劉蔡二君本住友人之寓因爲便于接洽起見亦移寓一處自上岸至歸旅次之間無滴水入唇至是始得從容飲食以余因預備會及大會中取消不平等條約之目的得以暫達此後交涉亦得根據此案以爲建言之基礎心中甚悅食量陡宏食後赴浴而今里氏來訪留片而去浴後略事休息乃一同出門答拜今里氏于西川家旅館適印度菲律賓賓朝鮮各代表亦寓是家留坐出啤酒汽水相餉言笑甚歡且練習聯盟歌余等觀此情景知一時未便遽行即推劉君華瑞爲代表往中國領事館托代拍電報致上海新聞報轉送各報報告通過取消中日間一切不平等條約案爲先決問題事及歸旅寓已十二下鐘矣茲付譯錄



(原文日文)取消中日間一切不平等條約案及全亞細亞聯盟暫定規約九條于左

一、取消中日間及其他一切不平等條約以謀亞細亞民族真正平等案

### 理由

全亞細亞民族會議爲謀全亞細亞民族平等之實現以期達到全亞細亞民族共存共榮之目的中日間不平等條約若非先取消是亞洲族自身已失其平等如何能向白色人種要求平等之解放故現在亞細亞民族間所有存在不平等條約應先自行取消就中日本對中華民國一切不平等第條約及一切不平等條件應即取消以示亞細亞民族爲共榮之目的互相以誠意之努力

全亞細亞聯盟暫定規約

第一條 以平等正義爲基礎期世界恆久和平之實現並撤廢階級的人種的及宗教的之差別確保全人類之自由及幸福爲目的設立全亞

細亞聯盟于茲

第二條 本聯盟爲達設立之目的努力于左記諸項之實現

(甲) 復興亞細亞精神的並物質的之文化

(乙) 撤廢國際間現存之不平等條約並各民族間之差別待遇

(丙) 提擢亞細亞民族間之文化經濟政治

(丁) 獎勵使用亞細亞生產品及亞細亞各國產業之增進

第三條 本聯盟本部設置東京並于必要地方另設支部

第四條 本聯盟最高機關稱謂理事會以理事二十五名組織之

第五條 理事會預定場所每年召集總會一次討論本聯盟重要事項

第六條 與本聯盟同一目的之亞細亞諸國之團體經理理事會之公認其代

表得列席總會

第七條 對於亞細亞有顯著貢獻之個人理事會得于總會招待之

第八條 理事于總會選舉任期志年

第九條 理事長于理事會選舉任期一年

## 第二日之大會

八月二日早餐後故友宮崎民藏君來訪旅次此君係日本大革命家宮崎寅藏（即宮崎滔天君嘗爲中山先生著二十年之夢一書）之令兄主張土地小作法其主義與中山先生之主義有類似之點近年兼學神靈之道頗有心得亦中山先生之摯友也先年中山先生染病都門渠特由日本前來探病並電托其友人田中守平氏爲中山先生祈禱療病余因十時須赴會略叙寒暄即交換亞會意見數則並約下午往訪宮崎君去時同人催赴會乃同車至青年會鐘正十時即繼續開會將所提各案交委員會審查于是各國代表各自推選委員余被推數次而皆力辭退蓋因初到對於日本所提各案未加充分之研究又無研究之時間就中如亞細亞橫斷鐵路建設案金融機關設置案全



亞細亞興業杭關設置案等案皆有研究之價值經余詳細表示苦衷得同人之諒解結果推出黃攻素石磊劉華瑞蔡曉白四君而林可彝君乃後來加入者總計委員中國五人日本五人印度二人菲律賓賓一人共十三人而委員會成立矣余乃與二方君出游街市購買零星物件爲贈送友人之用中午適游公共市場(商場)卽在三層樓上公共簡易食堂用飯二方君不歡迎日本食乃食西菜而余則食壽司(飯名係一種乾飯佐以種種珍羞食慣其味頗可口)堂中招待皆十五六之小女子知余等爲亞會中之中國代表頗極目桃心招之致似亦大發揮其外交手腕矣回抵旅館已二下鍾旅館中人告余適聞有人來訪視其名片乃王世勳君來訪其時劉蔡二君尙未返寓余亦如約往訪宮崎民藏君于江口旅館適友人長崎每朝新聞社社長金子克己君知余欲來先到候余談論甚洽並出其于亞會開會前在報端披露之社說三分相贈其詞甚長大概謂不要錯誤基礎日本爲現在亞洲之先覺者必須脫

離列強之協調政策努力于亞細亞之復興爲亞洲創一新紀元而亞會雖非出自日本政府之主唱係由民間有志之發起而實現者更屬可喜之現象可使列強知日本真意之所在尤望日本先示摸範同時冀諸邦亦于大亞細亞主義之下捨棄各種感情隱忍自重互助扶掖先解決民生問題積極完成社會政治兩革命而後始得與白人相頡頏若能如此做去亞洲民族地位不難凌駕白人之上云云而宮崎君則謂余曰君年力均富可不必望此會有成績只可望其在水平線上先得一雛形然後各自奮鬥終有達到吾人理想之一日如中山先生之革命事業四五十年如一日是也余然其說又曰日本外交當局之不贊成者蓋因尙未脫離其協調政策深恐引起國際上紛糾所謂大政星輩不見參加者另有苦衷在焉余（宮崎君自稱）因久未與君晤面偶在報端發見君有來日參加亞會紀事故特趕來此次談話甚快實不負爾我一行今夜決定回家就此告辭君係逆族之客亦可免作無謂之送行繼又問余

中山先生葬事工程之進行如何何時可竣工余舉所知一一答之又曰竣工後一定前來金陵祭奠憑吊故人實屬快事俟經濟稍有餘裕概在陵側建一宏壯紀念碑及亭以資垂久談次欲留余晚餐余因是夕有長崎市長錦織幹氏之公宴恐同人相候過久又急欲知委員會情形故實告之乃與金子君二人興辭出旅館分途歸至旅館同人團座一棹由劉蔡二君報告委員會經過滿意謂吾人所提亞細亞大學院創設案及製定亞洲旗及標徽皆得全場一致通過可決而日本所提之案就中如亞細亞橫斷鐵路建設案金融機關設置案及興業機關設置案等三案亦皆照預定計劃已得多數之同意通過保留同人認爲滿意而時已六下乃一同乘車至迎陽亭赴市長之六時半宴會矣會場完全日本式在席上加短腳圓棹凡十四每棹上各置酒杯小碟消毒著各六定刻一到自由就位六人一席菜雖日本式而出菜方法則打破其固有各人各一之習慣與我國同六人共一大碗或碟隨意取而食之是夜來

賓除王世勳石磊蔡障川三君未到外各國代表皆到上酒前由主人長崎市長錦織幹君致歡迎詞旋即我國代表黃攻素君由沈德君翻譯致答詞而日本而印度相繼道謝嘗二刻餘鐘酒至半酣妓女起舞數節末節十二人手各執亞洲各國小旗二面以旗交旗手交手表示親善連環不捨之意爲罷舞此雖小節亦證明三島國人無處不發揮其外交手腕與余同席有所謂段合肥之顧問大谷猛者與余交換名片用極流利之京腔與余談話詞極獎借誦中國國民外交勝利余皆唯唯至菜完後余乃舉杯三唱祝長崎市民市長萬歲衆皆起立唱而和之飲罷錦織市長亦舉杯三唱祝亞洲聯盟及各代表萬歲衆又和唱而飲之于是賓主盡歡而散歸旅館時將十一下鐘矣

### 第三日之大會

八月三日早餐後一同出旅館赴海田飯店乃與黃攻素材可彥二君往市役

所（卽市政廳）答訪錦織市長並謝酒食市長又另派員招待參觀市役所種種設備及贈送吾人以長崎港勢一班長崎市行政要覽長崎市社會事業要覽諸書及風景片多種出市役所到青手會正十時到會者除王世堯石磊蔡障川三君未到外餘各代表皆列席卽繼續開會傍聽者比第一日略增雜有白種人二三人聞係英美領事館員而我國王副領事亦列席並爲同人照料一切頗感便利全場空氣十分緊張由議長今里氏按照昨日委員會審查各案逐條宣讀付決表決一瀉千里不到二十分已將亞細亞民族大會所有提案解決清楚矣又臨時動議對長崎市民表示謝意暨明年亞細亞民族大會在中國開會又印度代表提議白種人贊成本會議旨趣者皆表歡迎全場贊成通過旋依照全亞細亞聯盟暫定規約第八條選舉理事八人計中國二人係黃攻素與余承乏日本二人其他各國四人是日可決案九件卽（一）全亞細亞通信機關設置案（二）亞細亞會館建設案（三）亞細亞大學院創設案



(四)全亞細亞民族以研究世界語爲通用語案(五)對國際聯盟會議提出人種平等案(六)表彰對亞細亞運動有功勞人物案(中國係中山先生)全亞細亞聯盟內特設中日間問題研究機關了解中日一切誤會案(九)推薦理事案又保留案三件即(一)亞細亞橫斷鐵道建設案(二)金融機關設置案(三)全亞細亞與業機關設置案又付交委員核辦之件一即日本應即取消對華商華工部一切苛例案繼各國代表自由演說中國方面有劉君華瑞演說由余充翻譯大意以發揮中國文化爲主旨蔡君曉白演說大意謂合作宜有誠意本會議係和平的並不含排斥任何種人之意味最後謂不平等條約取消後尤望即予實行云云而蔡君演說至取消不平等條約一節之警策處其翻譯某日人含糊了之悻悻下台致蔡君一人在臺上莫明其妙余觀此情景立即上臺爲蔡君繼續翻譯其時傍聽席上有一日人大聲狂呼「什麼叫做不平等條約實與你等之幸福呢」此雖屬會場秩序問題殊予吾人

以深刻之印象印度菲律賓安南各代表及日本人士均有演說余與方孝寬君本準備演說因演說者續出時間上之關係故作罷論演說者就中引起日本警察及日本人士之注意者厥惟安南代表某王族及日本大本教之信徒井上留五郎氏安南代表以極流利之日語極力攻擊法國之暴政因日政府與法國締結支那印度通商協約中關於安南民族特加限制故深恐引起外交問題致安南代表之身邊十分危險演說完下臺卽由會內同人保護其安全出境未受日警之辱亦一幸事也日本大本教者係以一種神道說教凡屬信徒皆蓄全髮不穿西裝而穿日本固有之衣服其所用于號召羣衆者係一種之預言稱謂之曰「筆先」與我國之扶亂略同如日本之大震災事亦其預言之驗者最奇者者教主皆屬女子其第一代教主不過一十三歲之少女而現在之第三代教主出口澄子年亦不過三十內外一女子是日以來賓之資格列席大會得親丰采其裝束與普通女子迥異類似女教育家其本部設

在凌部（地名）全鎮數千戶皆奉教者當其勢力全盛時代日本全國信徒不下二三百萬上自貴族代議士海陸軍將校知識階級下至商賈負販各色皆有一時有議改作爲國教斯時政友會原敬當國恐反對黨利用其勢力推翻已黨故不惜犧牲其個人之人格用快刀斬亂麻之手段以不敬罪三字加于其領袖者運用其官權萬能之手腕將支部及信徒解散者解散補禁者補禁盡其所欲而處之並聞本部之建築物地下有窟室有所埋藏欲毀壞之而患無詞于是乃異想天開由某煤商出名具呈報稱在凌部村（地名）發見煤礦請政府特許其採掘政府隨卽許可三十萬方坪（一方坪六尺四方）之採煤區域其地點正在大本教凌部（地名）本部御殿（如我國之詞廟然）之地基自此經營十餘年費無數金錢而造成極宏壯之御殿不能再得其舊觀矣現在其所以不滅者蓋因日本憲法係信教自由原敬氏之手腕雖辣亦一時不能滅遲又原敬已死其散逃各處之較有力量之信徒亦暫得聚

集雖不若前此之赫赫然其潛勢力實未可侮因具有此歷史故其信徒之演說頗惹人特別注目而其人亦復認爲宣傳極好之機會以人類愛三字作起點宣傳其教旨在旁聽席之便衣警察遂皆交頭接耳幸其詞極圓滑天衣無縫警察亦莫如之何（翌日報紙稍有批評無關輕重不贅）演說畢各團代表正式簽字于各議決案上各團各執一冊中國之分係交黃攻素君保存後一同攝影紀念于是轟動一時之亞細亞民族大會之于幕此閉矣

### 祕密會議之大略

此會係應中國方面代表之要求而開未開會之先卽有朝鮮代表姜世馨李春植二君在事務室質問今里氏何故既承認渠等爲代代在先忽而臨時却之又不許其參加大會演說並宣言否認其單獨承認李東雨君爲朝鮮代表

來勢甚爲憤激幾欲以武力對付今里經在場同人極力勸解使今里暫退一步勸令姜李二君退出事務室但渠等仍悻悻怒氣不息未肯退讓後經同人再三解釋其氣稍平余乃對姜李二君曰君等志士也余甚領服此後朝鮮事期待待于諸君者爲數不少何必區區欲爭一時之氣而傷大衆之感情而且獨立與不獨立乃是事實問題並非紙上可以談兵何不暫留其鋒待時而發較爲得策君以爲如何姜李二君聞言意始動乃曰是也實未免有一時之負氣乃與余交換名片出事務室去矣于是祕密會議乃開先由今里氏宣佈其對朝鮮真正之態度及其不能許允朝鮮代表在大會演說之苦衷並介紹朝鮮代表李東雨君李君卽起立表示其態度及對亞會之希望詞短而意切實不愧其爲朝鮮國民協會會長也李君爲人沉着寡言性極殷厚實穩健派之積極份子容易使人誤會其未能見信于急進派之同志者有所由來也然余爲極同情于李君之一人中國印度菲律賓日本各代表互相發言交換意見

歷一時有餘乃散會一同出青年會在門前又攝一影留作紀念後即整隊赴  
諏訪神社參拜神祇並該處觀覽風景飲冰而散余與劉華瑞君往中國臨事  
館托代拍電報與上海新聞報轉交各報報告大會通過取消不平等條約案  
已正式簽字及閉會等事回至旅次即有東京時事新報記者投刺來訪問余  
對於亞會之觀感如何余曰會之自身極弱然精神十分充滿全亞細亞聯盟  
之成立者如造房屋僅由工程司打成圖樣而已房屋堅固與否須看土木工  
人之工作如何爲斷然指導者亦屬緊要至于吾人要求取消不平等條約爲  
先決問題者實爲掃除中日間之障礙物俾兩國人士攜手並行無所阻礙其  
利益實不限于一國然貴國人士尙有一部分不能明瞭吾人頗引以爲憾等  
語越二日已揭載報端矣是夜七時又赴通天閣日本代表之招宴各人均穿  
和服而食中國菜席間賓主極暢洽由菲律賓提議各人須歌一曲衆贊成由  
是忽而中忽而日忽而印忽而非忽而朝鮮九腔十八調無一不有中國方面

先由劉君華瑞歌數段忽而老生忽而黑頭頗有其華宗鴻聲之韻味余亦被  
同人所勦卽歌散花一段聊以塞責而日人吉井清春君亦歌教子之薛保一  
段是夜宴未開前卽有某報館記者日人打電話來質問今夜之宴因何未見  
邀請是否有錯今里卽飭人回話却之謂今晚皆屬主人未請貴客幸勿枉駕  
此亦食史中之一趣事也今里與余同席因接電話菜上二碗卽離席赴佐世  
保歸旅館鍾已十二下矣

### 閉會之後第一日

八月四日早餐後往訪田中守平君不晤如轉訪金子克巳君談片刻卽歸旅  
次與方孝寬君準備翌日(五日)往大阪中之島公會堂由大阪朝日及每日  
二新聞社所主催之演說會上發表之演說稿不一時而告井君回寓邀余往  
日本菜館食中飯後卽乘小汽船往海水浴同船有海水浴教員原田君因前  
夜在市長宴會席上會過面熟執東道甚恭到後卽飯余等以種種海水浴用

具脫衣後各自下海盡其所能而游其所浴余與方君懋霖時相近而蔡曉白君離余甚遠其處水不過膝彎無甚興味余前進導至水深一人以上之處故意作偶然失手時而蔡君已食海水數口連呼當有以報之不置自此卽與余脫離關係始終不肯再近余之身邊乃向某學生借一浮水器聊作護身符則盡其所能浴其所浴此事至今思之未免太作惡劇興味方濃卽有二三中學生來謂請觀演水藝彼處備有坐位余等乃攜上至岸至正面列有背圓椅六個請余等坐下卽有中學四人各左手執筆右手執一塊木板約尺半四方四人分前後蹈水下海逞身直行至水深二三十尋處仍逞身直立由教員銀笛一响四人卽作一字形再响卽舉筆向木板上作寫字勢三响同時寫成一「四海一家」四大字寫完反身再分前後如行平地然踏步上岸可謂神乎其技余等誇獎一番教員原田君卽出紙求書以留紀念乃由方孝寬君當面揮毫書「解衣磅礴」四字贈之日人贊賞不置一時求書者踵接而至大紙小帛



陳列滿棹大有應接不暇之勢方君一一應之得之者甚喜稱謝不已原田君又導余等至該島嶼高峯上有平原六七十畝有涼亭一風景絕佳係原田君之私構也卽出汽水數瓶瀏覽片刻樂不思蜀而夕陽已將西墜乃握別乘船而歸亦百忙中之逸事也至旅館余接家中來電召余速還而未說明何事余心志忒歸心似箭乃與劉華瑞方孝寬二君商量赴大阪事劉方二君因余不往亦卽中止參加演說會劉君一直人往東京方君乃與余同船返國議定各自收拾行李準備翌日（五日）仍登上海凡歸國

### 閉會後之第二日

八月五日清晨卽往西川家訪今里告以不能赴大阪演說會之緣故及挾帶演說稿交演說會主催者在報紙上發表適今里出門訪友未歸乃與李東雨君印度代表某君談並告以不能一同赴演說會之故並道歉忱時綠屋旅館

打電話來謂王副領事來訪在旅館等候余即將演說稿托李東雨君轉交今里氏演說詞長至四五千言其大概先敘巴爾幹半島戰後之亞細在亞世界所占的地位次及英國在新加坡建築軍港與中日兩國之利害關係亞洲民族實有聯盟之必要又取消中日間一切不平等條約恢復兩國之好感其利益不僅在中國一方面又就人道正義着想凡亞洲被壓迫之弱小民族亦當設法回復其原來之地位日本既爲亞洲現在之先覺者如對於朝鮮及臺灣民族之解放更屬刻不容緩之事希日本人士當有以鑒之云云（此稿因大阪演說會被日本官廳禁止故未發表）歸至旅次二方及蔡三君上街購物未歸王副領事一人已候多時矣見面卽敘契闊並致郭領事名片謂領事適有小疾不能走送以渠代表希卽見諒等語時旅館中來人云船票須有領事館之證明書方可以七折計算余乃托王副領事辦理王君卽打電話囑館員照手續辦理送來應用時鐘已十下而二方及蔡三君亦一同歸寓于是忽忽

上車赴碼頭矣送行者中國方面除王副領事外有學生會代表王世楷等數人及劉華瑞君日本方面有金子克己君等七八人至船離岸始各歸去是日江蘇童子軍亦以是輪歸國送行者有華僑學校男女小學生及中日童子軍整隊排列五色國旗隨風飄揚與學生口中唱出歡迎歌之音節授余以極深之印象鐘十一時三十分船開矣

## 歸國航海中之我

船開余卽回艙房間號碼係一二五號與方孝寬君同室而蔡曉白方懋霖二君同在一〇五號房間距離頗遠彼此往來談笑頗有興味午餐後在休息室閱雜誌忽有日人投刺來謁閱片乃知係長崎水上警察署查證官大勝芳橘氏寒暄後卽問余對亞會之觀感如何余以語東京時事新報記者之語答之渠又問曰敝國人士招待如何余曰甚好又曰警察方面如何余曰保護十分

週到始終不惰實可感謝繼又問曰前日報上載有貴國某代表對日本新聞記者言敝國人士不盡東道毫無招待之誠意表示不滿記事此段記事閣下知之否余曰在報紙上實有此項之紀事余到崎之日已閱過後來一查始知係出于一時之誤會按亞會之召集係解決自己切身問題列席各代表無分賓主之必要實皆主人翁也然因會場在貴國故于指導方面不得不偏勞耳如長崎市長之招宴足表長崎市民竭誠招待之盛意請君轉致忱謝于一般民衆渠曰此閣下之見解乎抑全體如此余曰大概全體若此渠又曰余（大勝自稱）大會開會前往一二日訪貴國某代表叩問有無指教某代表開口即曰「貴國警察不肯幫忙實不對的」余曰（大勝自稱）敝國警察只任維持地方秩序與保護人民安全爲天職餘者非我警察所能干涉某代表聞言即現出十分不悅之神情使余（大勝自稱）不勝惶恐自問未常開罪于某代表何以竟出此語閣下之高見如何余曰某代表吾友也人極通達想不致有

此越軌之言論或者因彼此皆用英語會話由語病而生誤會見解各異亦未可知彼此一笑珍重而別按此段談話詞極支離不接然細細思之頗有玩味因而紀之亦可使知日本注重外交一道區區一警史亦具有相當才幹實未可輕侮翌日(六日)下午在甲板上代童子軍攝二影船抵上海靠碼頭時已三時過半矣

### 贅言

歐戰以後遠東問題漸爲各國注意如英國在新加坡建築軍港美國不許菲律賓賓獨立其意司馬之心路人皆知故亞洲民族實有大團結之必要目下亞細亞問題卽以中國問題爲中心未雨綢繆責在國民是以不顧個人之犧牲毅然赴會就中亞洲民族唇齒相依者莫如中日兩國惜其往年誤用政策劫奪臺灣租借旅大要求二十一條引起我國人民之惡感鑄成大錯此次會議

毅然決定取消中日間一切不平等條約未始我前途之福音雖曰一紙空文無裨事實然而造成全亞細亞一部分國際有力輿論並喚醒日本多數胸懷狹隘之迷夢此後好自爲之未必不達完滿之希望更進一步卽論華府會議巴黎和會國家費多少代價所獲亦不過一紙空文前途進行亦視國人之運用手腕何如則此次取消不平等條約之議決案亦視此後國人之運用手腕何如吾人參加會議責任可暫告一段落

三



上海圖書館

中華民國十五年十二月一日出版

(非賣品)

編輯者 林 耕 餘

發行者 亞細亞問題研究會





上海图书馆藏书



A541 212 0001 1631B



總

6.5  
058

